

35 peserta belajar teknologi fertigasi, hidroponik



KURSUS PERTANIAN... Seramai 35 penduduk Jepak yang dipilih untuk menyertai Kursus Penanaman Sayuran Menggunakan Teknologi Fertigasi dan Hidroponik di PPP UPMKB, baru-baru ini.

BINTULU: Seramai 35 peserta mengikuti Kursus Penanaman Sayuran Menggunakan Teknologi Fertigasi dan Hidroponik di Pusat Pertanian Putra (PPP), Universiti Putra Malaysia Kampus Bintulu (UPMKB) di sini, baru-baru ini.

Menurut kenyataan daripada UPMKB, kursus anjuran dengan kerjasama Jepak Jaya Development, Lembaga Kemajuan Bintulu (BDA) itu disertai penduduk Jepak yang akan berpindah ke kawasan Jepak Jaya.

"Dalam kursus ini, peserta didedahkan tentang pengenalan dan konsep terkini dalam fertigasi dan hidroponik, serta pengeluaran tanaman sayuran menggunakan teknologi sistem fertigasi dan hidroponik.

"Mereka juga didedahkan dengan amali atau praktikal tentang cara

untuk 'set-up' kebun fertigasi dan hidroponik serta potensi kedua-dua sistem penanaman sayuran tersebut untuk menjana pendapatan dan meningkatkan sosio-ekonomi peserta," katanya.

Tambah kenyataan itu lagi, para peserta adalah dipilih oleh Pegawai Khas Jepak Jaya Development, BDA, Muhamad Ali Tan Sri Datuk Amar Mohamad Asfia Nassar.

"Kursus ini disampaikan oleh Pensyarah Kanan, Jabatan Sains Tanaman, Fakulti Sains Pertanian dan Perhutanan, Ts. Dr. Muhammad Huzaifah Mohd Roslim yang dibantu oleh Penolong Pegawai Pertanian, PPP UPMKB, Dennis Len Gouk, dan Pembantu Pertanian Kanan PPP UPMKB, Shamsudin Hatim," ujarnya.